

Բլեքին եւ Ռեջին

հեղինակ՝ Դոնալդ Բիսեթ

թարգմանիչ՝ Կարեն Ա. Սիմոնյան

Եղել է, չի եղել, մի ձի է եղել: Անունն էլ՝ Ռեջի:

Ամեն առավոտ Ռեջին կաթ էր տեղափոխում եւ ամեն անգամ ճանապարհին հանդիպում էր իր բարեկամ Բլեքին, որը փոքրիկ ու սեւ մի շնիկ էր:

Ճիշտն ասած, կաթ տեղափոխելը այնքան էլ Ռեջիի սրտովը չէր: Նա միշտ երազում էր արշավաձի լինել եւ մրցանակներ շահել ձիարշավների ժամանակ:

Բլեքին էլ գոհ չէր իր ճակատագրից: Նա երազում էր լավ վազել սովորել, ինչպես իսկական քերձեն, թեւ, ազնից խոսք, ոտքերը շատ կարճիկ էին:

Մի անգամ, ճաշից հետո, նրանք երկուսով նստել էին Ռեջիի ախոռում: Իրար հետ «խաչ ու օղակ» էին խաղում, երբ հանկարծ Բլեքիի գլխում մի սքանչելի միտք ծագեց:

— Ռեջի, մենք պետք է ածուխ ուտենք: Գիտե՞ս ինչու են շոգեքարշները այդքան արագ սլանում. . . որովհետեւ ածուխ են ուտում:

Եվ մի լավ ծանրութեթեւ անելուց հետո նրանք վճռեցին փորձել իրենց բախտը:

Իջան նկուղ: Իսկ նկուղում ածուխ շատ կար: Բայց հազիվ էին մեկական կտոր ածուխ վերցրել, երբ հանկարծ վրա հասավ տանտիրուհին՝ միսիս Փախեքը:

— Անպիտաններ. . . Ի՛նչ եք անում իմ ածուխը. . . Հապա, փախե՛ք այստեղից:

Նա մի կտոր քարածուխ վերցրեց եւ նետեց Ռեջիի ու Բլեքիի վրա: Ռեջին ու Բլեքին սկսեցին փախչել:

Նրանք իրենց կյանքում երբեք այդքան արագ չէին վազել:

Իսկ հենց այդ պահին քաղաքապետը պատուհանից դուրս էր նայում: Քաղաքապետի անունը Ուիլյամ էր:

— Ի՛նչ արագ են վազում, — բացականչեց նա: — Գրագ կգամ, որ այդ ձին առաջին մրցանակը կստանար ձիարշավի ժամանակ: Իսկ շնի՛ կը. . . Հապա տեսն ք. . . Քերձեից արագ է վազում: Ազնիվ խոսք, երկուսն էլ մեղալի են արժանի:

Եվ նա Ռեջիին ու Բլեքիին մեկական մեղալ տվեց: